

www.BibleForChildren.org

San Matew 8



Ni goc choon dxej guyu tijb guialruxhliaa luguiedx Caná, ni riga' niz Galilea. Dxel në xniaa Jesús za' yagaj, abi' në Jesús con ree xbejnman gunee reeman persi wej reeman loj lanij guin.



Chi babidx vin, dxel rëb xniaa Jesús lojman: –Achetri vin rajp reeman. Per xniaaman rëb gajcaman loj ree bën cayüjn mandad yagaj: –Gol been gra ni naman.



Abi' rëb Jesús loj ree bën rüjn mandad
guin: –Gol bacha ree guiajs guie nijs.
Dxel bachadi reeman laa reen, abi'
rëbaman loj reeman: –Yan gol gulëë
ta'nan, gol bigdëën loj bën canabee loj
lanij guie.



Dxel bigdëë reeman laan lojman, abi' bën canabee loj
lanij guin beenman prueb nijs bayajc vin guin, sin guial
niagbeeman ban guzan,
bën cayüjnz ree mandad
guin ragbee, din laa
reeman bica' nijs guin.



Dxel gurejdxaman xin cuxhliaa guin, rëbaman lojx:
–Graczi bejn rgui's yaloj vin zagdxe, abi' chi ma gu'
reeman zilan, dxel
rgui'saman vin corrient.
Per lüj badxe'chaawil
vin zagdxe guin persi
cagui'silan yan.



Ni guin naj milagr yaloj been Jesús, beenman milagr
guin Caná, guiedx riga' niz Galilea.
Zian balüü guialrniabee ni
rajpaman abi' bililadx ree
xbejnman laaman.



Chi we Jesús lidx Bëd, baguiaaman
xnasuegr Bëd naga'man yu'man xliaa.



Dxel gunaazaman yaaman, abi' bariiman xliaa guin,
dxel bixcheman guzuloj cyaanman laa reeman.




Chi ma gurej guiaal, binë reeman bénragxuu ree lod
za' Jesús, në ree bén yu' xindxab luxdoo. Graczi ree
bén luguiedx guin
bido'p ruyu lod za'
Jesús.



Bayüjn Jesús zien ree bën rajc ree gadxagayaa
guialguijdx, babëë tääman zien ree xindxab luxdoo ree
bejn. Per ad rudëëtaman mod guiniee ree xindxab guin
guial nünbee reex laaman.



Zeel graczi ree bejn rën guqui' laaman, guial
rayünman laa reeman con xguialrniabeeman.



Dxel bidxin tajp ree bejn yagaj
lejn reeman tijb xin nējt xcuerp.



Per ad gojct niunë reeman laax lod
za' Jesús guial bën guixiuj guidxa.
Abi' guxhal reeman guiyc yu
lod za'man persi gulet
reeman xinragxuu guin
guidib ni naga'x
loj xt lod za'
Jesús.



Chi baguiaa Jesús guial riladx reeman laaman,
rëbaman loj xinragxuu guin:


–Xi'n, ma benan xtolil
perdon. –Lüj rnin,
bixche, baca' ni
go'til loj baguiaj
lidxil.



Guyu Jesús loj barcw con ree xbejnman, abi' la'tgaj zë
reeman loj nijs guin dxejlczi gubi'
tijb bidoxh, ma cazëëbczi barcw
guin xan nijs. Per Jesús
naga'yëjsaman.



Badxi'man laan rëbaman: –¿Chexc zeel dád
rdxebidi? ¿Chexc zeel ad riladxza'ctidi naj? Dxel
bixchewan abi' gunabeeman bacwëëz bi guin në nijs
guin. Loj hor ziigajc babedxe reen. Abi' ree
xbejnman badxa da't loj reeman,
zianz gunabdiidx loj lasa'
reeman, rëb reeman:
–¿Chu bën guin, zeel
xt bi në nijs ruzoob
xtiidxaman?



'Guial tant rën Dios bénguidxliuj,
majsi tijbzi xi'nman, per guxhaalaman
laaman loj guidxliuj, din graczi bën
chililadx laaman ad zanijt reeman loj
Dios, gap reeman guialnaban
tiblayaa con laaman.



Gui'ch par ree bén Rom 3:23
Din gra bejn ma been dol, achutczi naya niz loj Dios.

Gui'ch par ree bén Rom 6:23
Din ni rüjn bejn gan por dol laan naj casti, per ni razaladx
Dios naj guialnaban tiblaxaa par ree bén ma naj tijbzi
con dux Dad ree Jesucrist.

Gui'ch par ree bén Hebreos 9:27
Zi'cgajc gra bejn tib voltzi rëjt reeman, dxel zëäd ni
yadëäd reeman cwent loj Dios.



Gui'ch par ree bén Éfeso 2:8,9

Guial naj Dios benza'c, zeel ma nayajc ree perdon, ad guial nayajct ree benza'c lojman. Por guial riladx zëed xperdon Dios. Ni'quid por ni zagdxe ni ma baguieent ree zëed perdon guin chitëë chu guilies xvalor gajc.

Gui'ch par ree bén Rom 10:9,10

Bal yaneero'l guial Jesús naj Dad par lüj abi' guidib luxdool chililadxil guial basban Dios laaman loj ree bengüt, dxel ma najl perdon. Din chi chililadx bejn Jesucrist con guidib luxdooman, diizd loj hor zii ma najman cwent sin dol.

Abi' chi yaneero'man guial Jesucrist naj Dad par laaman, dxel ma najman perdon.



San Juan 3:16,17

'Guial tant rën Dios bénguidxliuj, majsi tijbzi xi'nman, per guxhaalaman laaman loj guidxliuj, din graczi Bén chililadx laaman ad zanijt reeman loj Dios, gap reeman guialnaban tiblaxaa con laaman. Din Dios ad guxhaalt xi'nman loj guidxliuj din gudëëdaman bejn casti, guxhaalaman laaman din gap ree bejn perdon loj Dios.

Gui'ch yaloj bacaa San Juan 5:11-13

Abi' ni rëbaman naj guial ma baneeman guialnaban tiblaxaa duloj ree, guialnaban guin zëëd por xi'nman. Bén za'në Xi'n Dios tijbzi, laaman naban tiblaxaa delant loj Dios, per Bén ad za'nët laaman tijbzi, laaman ad ca't guialnaban guin. Cucan nine ree par lëjt najdi Bén rililadx Jesucrist Xi'n Dios din gagbeedi guial ma ca'di guialnaban tiblaxaa delant loj Dios.



San Matew 8-9; San Marcw 1-2, 4; San Lujc 4, 8;
San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Zapotec Santo Domingo Albarradas NT (zas) © 2010,
Wycliffe Bible Translators, Inc. All rights reserved.

<https://live.bible.is/bible/ZASWYI/MAT/1>

©2026 Bible for Children, Inc.

www.M1914.org

www.bibleforchildren.org

